

新樂縣志卷之十六

續人物志

志曰按舊志表表茲土者隋唐元明各有偉人獨遺
三代漢宋或緣兵火之餘載籍不存耶夫大聖賢大
豪傑間世而一出但以中才生當世居鄉鄉德之居
官官稱焉亦一時山川之秀所孕毓其成就尚未有
艾也故續而志之特加詳其名族德系以待聖賢豪
傑之繼興者

歷城大尹韓公傳

新樂縣志卷之十六

遡自晉地鼎分以後汾陽一帶韓氏允稱世族焉至明永
樂間有諱剛者舍晉棘而就燕闈乃携家移居新樂可謂
能出幽遷喬者矣剛之子守文舉鄉耆守文之子鑾邑廩
員皆有隱德鑾之子宗義為邑祿力行善事每語人曰大
凡方便事惟公門中最多若能扶救得一二人即司馬溫
公所謂積隱德于冥冥之中也宗義果生歷城大尹公諱
竹字淇園初補邑廩員每試皆高等嘉靖三十九年以歲
進士赴廷對任河南府鞏縣儒學訓導待諸生如訓親子
弟適有二生爭補餼一富豪子一貧窶子貧者考第居前

富者考第居後富者持重貲魏公求申文貧者聞之亦揭
重貲魏公求申文公笑曰功名自有序汝兩人何必躁
進乃爾力卻富者貲還之暫收貧者貲藏之數日申文准
補下乃召貧者告之曰吾初暫受汝之餽者以安汝之心
亦所以安彼之心也今汝之事已畢彼復何圖哉但汝視
我豈是受餽貲之人哉再四請竟卻之陞山東青州府臨
淄縣儒學教授蓋自中州至青齊士多從之渡河者居臨
淄士風被化而淳越明年陞河南懷慶府教授又自青齊
至中州士多從之渡河者居懷慶待門人以舊相識禮藹

然日益親上臺聞之多薦與秩滿陞山東濟南府歷城縣
知縣又自中州之青齊士多從之渡河者公辭從遊之士
云子歸矣毋遠勞吾能以一經教子不能為五斗折腰吾
有丈夫子三人皆過目成誦立馬成文後豈無顯達者吾
何用役役簿書為竟歸里不之任雖不之任然爵位出自
朝廷何可忘也子孫仍稱為歷城大尹公云大尹公生長
子嘉禎以歲薦任良鄉訓導陞保定府教授次子嘉祥以
歲薦任安州訓導初大尹公秉鐸時日中假寐見進士善
治徑進內堂遂醒生第三子名嘉祐乳名善治有時文之

譽嘉禎孫敬承博雅能文章嘉祐生子二長子洪為余標
下守脩諳練老成城守禦侮每有功次子源為邑庠生洪
之子人龍源之子夢龍兆龍皆能讀書世其業洪與源每
朝夕繼見述其祖德甚詳余為之傳可見躬行善事世為
儒者其後必有興固不可限量誠不爽云

欽差分守定州等處十六州縣兵脩道山西僉事張經撰
郝氏一門三節傳

恒山之南斗大一城山川環抱曰新樂雖其風近古閨閣
之內亦世教所基焉郝氏一門以三節著曰王太君曰何

新樂縣志卷之十六



三

母曰楊氏王太君者鎮江太守郝公應第之王母也何母
其太夫人也楊氏其子媳也太君者故民王表章之女年
十六適公之王父諱性愚生二子長諱敬即公之嚴君也
太君年二十有五遂稱未亡人事姑以孝聞雖未嘗讀書
知大體姑歿易戚蕪至罄所藏以治殯具有其兄止之曰
當為汝母子衣食計太君曰貧富命也姑視吾猶女吾安
敢不以母報卒厚葬之撫遺孤愛且勞纔成立而卒轉撫
孫孫漸長家漸落孫就外傳至為諸生家政一切咸自太
君紡績中出未幾公登己卯舉書筮仕太谷以卓異陟郡

守迄今晉陽延陵兩地猶嘖嘖遺愛聲皆太君訓誨之餘也歲壬辰享年九十有九無疾而終何母太夫人者故鄉耆何蘭之女年十五適公之父年二十有八即稱未亡人矢志守貞上事孀姑下撫弱子零丁孤苦風雨哀號者十餘年以憂致疾卒於正寢子媳楊氏者曲陽縣明孝廉楊公家麟之孫女廩員楊公方雋之長女也年十四適公之子邑庠生名茂修才可世公之業無何以病殞楊氏年十九歲遂稱未亡人仰天大慟誓即殉之父母舅姑冉四諭勸乃從容曰待吾服闋從遊地下豈能禁耶迨至三年果

曰期至矣吾以踐吾言耳遂不食而卒噫三節婦者惟王太君兩經直指於朝有節壽蕙高孝慈克盡之語天子下其奏建坊表閭撫孫登顯仕造物有以報太君矣獨是公當襁褓而孤何母孝慈蕙備未及享公之祿養贍志以歿楊氏心踐一言節期三載蓋聞太君何母之風烈而有光焉二氏未經題請豈獨公之責亦司之者之責也魏子曰歷觀彤管所述女德彰焉而一門之內清節流聲栢舟三咏如郝氏者蓋亦罕矣皆秉名山大川之正氣以生雖死且不朽即謂巾幗中三仁可也三節云乎哉

知州魏一鰲撰

吏部主事李公傳

崇祀鄉賢

公諱昌齡字緣督天嬰其別號也先世大同人國初徙籍新市自其祖泰始泰子青青子繡官順天府推官繡子承恩正德癸酉舉順天鄉試歷官文水蓋屋令安樂州守慶藩左史承恩子坦以廩例遊國學官山東布政司都事坦生鍊為公大父有隱德鍊生化蛟號林野為瀛海訓導公之父也公父舉丈夫子三公其長也公生而嶷峻博通群書十七為邑諸生所屬文務根極聖賢宗旨不以軋茁為

新樂縣志卷之十六

五

奇已酉領鄉書為孝廉十載下惟攻苦非公事未嘗一至公庭已未舉進士官行人司行人奉命之四方所至必問其謠俗利弊可以脩敝納興革者籍記之癸亥冬冊封德昌王妃王敬重公酬勞甚腆公卻之弗受一時士大夫咸稱其廉既而屢奉冊命往來秦晉間篋中無長物惟羸有清風兩袖耳丁卯典試滇南所錄皆知名士歸報天子未幾復奉命會銓司缺舉朝高其品首推公得俞旨立朝僅數月遽以太孺人憂歸襄事後杜門卻掃絕不以外事聞居常簡默呐呐不出口至抵掌談天下大計如列眉指掌

戊寅城守勞憊卒 上褒公功特齎白金賜之朝野嘆息
子二長世美次濟美俱庠生孫七文寧海知縣章經俱廩
生煥庠生締紹綸俱業儒

大學士李 標撰

郝封君傳

封君名敬字自誠其先晉之洪洞人元文忠公經之後始
祖名士能於明永樂間徙新樂孔村村有白沙阜蜿蜒若
龍環繞三面如屏障前有平田數頃地宜種杏遂卜居於
此子孫蕃衍世有隱德七傳而生性愚公娶王氏有懿範
事見三節傳性愚公生男二公居長賦性惇篤少而孤事

母孝受訓惟謹成童就外傳常數月不出里塾門與鄉人
處油油然謙以和會邑有吏坐侵帑繫於獄追且急因求
救於公公即代償又不數仍賣邑南闕房足之吏乃出公
全不問其償也其好義樂施扶危拯急大都類此邑耆宿
嘗稱之曰此子少年而有長者之行代人完公事不計還
阿堵吾聞有陰隲者其後必大振果公之季子應第舉於
鄉為太谷令太谷之人德之去而思指其碑而嘆曰此郝
公之遺愛耶抑太翁之遺教也碑之畧云先時谷城為積
水所壞民半為魚公開鑿水門變澤國為金甌焉徃例倉

庫吏僉揭病民公文責吏胥富厚家獲安枕焉轎夫民壯
諸役舊僉閭閻公多方設處力行召募中戶有寧宇也王
家堡一帶頻患水災民無一粒公蠲免雜項發粟賑貸一
方貧民無輟轉離散者矣舊例召買米豆上司發價耗於
積蠹奸胥片文罔入民手公以原價貯庫遣役易買交納
外止量幫脚價公私交濟焉審編兩次富者上門盡豁貧
者除差數千恩尤至渥也錢糧為國大計緩難乎上急難
乎下公催科不事蒲鞭而兩載四季徵輸率以十日告竣
非德澤素感民心曷若是神速與學校自兩經兵燹弟子

員束書高閣公立社捐俸供給手定甲乙改建賓舍

倒屣翼子衿若慈母護驕子然崇文禮士之風懋焉他如
郊壇加封植以敬天地文廟飭俎帳以敬先師重開巽門
復古制以振文風衡校續志捐金鋟木以留文獻於將來
其太谷士民德之如此謂非太翁之遺教使然哉太翁好
讀古人書所力行皆傳記中之事踈於八股終不售惜享
年不期頤而卒有子應第能讀父書蒞太谷二年政成化
洽以治行第一遂轉二千石太翁生而樂施歿有恩榮天
之報酬善人信不爽哉

廣東左布政使前巡按御史榆次桑 芸撰

馮氏家傳

東漢有大樹將軍者實籍潁川厥後支分派遠苗裔遂散處三晉惟汾陽馮氏之族稱盛焉暨明永樂間有諱威者始奉旨遷新市充編戶隸中同里社家於邑西之木村勤稼穡而多陰德爰誕丈夫子三曰興曰勝曰旺勝以明經膺正統六年歲薦掌教安丘鐸聲丕振旺生丈夫子三曰仁曰義曰禮自木村遷縣之南關卜居焉仁僅克負荷義以明經膺弘治十年歲薦入試成均授平涼府經歷左右

新樂縣志卷之十六

八

黃堂克殫厥職自陝以西績尚著焉禮以省祭在公門奉法惟謹終身未嘗罣吏議也禮之子曰奎曰和和之子曰珮曰璩曰璉曰恩而族稍蕃矣珮社師邑人誦蒙養之功璉之子曰廷佐曰廷佑佑早世佐年未及立而瘋是時璉細君賈氏已稱未亡人勵栢舟之節嘗撫佐男承業泣而語人曰吾不幸遭夫之背又不幸遭子之瘋僅有此贊贊幼孫倘書香不絕吾何憚紡績佐之他日能成立猶或世其家聲未可知也承業聞祖母言心甚悲傷志甚奮勵年十四遊於庠試前茅補增廣氏心乃稍慰益力勤儉務生

聚積金一篋買田三頃享年近耄至臨歿囑承業曰吾以孀居茹苦蓄積此金勉置良田無非為若能尚志攻書出就外傳可無內顧之憂耳舉以授若若其念之承業恪遵遺訓爰擴故業一時稱克家者必曰南關馮氏云承業號鳴崗子三人伯應兆仲應運季應夢應兆廩員有德行應運為庠生前邑侯王公扁其門曰急公義士應夢字徵宇弱冠為庠生歷試益勁嬰家難咏集蓼而志不少挫也行年六旬有五猶慷慨有燕趙風嚴庭訓明義方俾四子亨期通期達期昌期皆列弟子員亨食餼有年精治舉子業從

之者衆又善治古文詞賦有一時大雅之譽亨之子四聰庠生明智裕幼業儒通之子睿達之子溫昌之子寬俱幼業儒大抵咸克世其業者也史氏曰馮氏之發祥自威通籍自勝及義富於鳴崗昌於徵宇更可異者賈氏以冰霜堅節而能苦積田產傳家昌後語云健婦持門戶勝似一丈夫信夫吾願馮氏奕葉其母忘熊光蘆荻之教行將日升月恒福澤之長未可量也焉知人品功業不有如大樹將軍者詩曰綿綿瓜瓞馮氏有焉余故搦管而樂為傳云

文林郎太淳陶公傳

陶公名崇古字灝靈別號太淳其先關中咸陽人始祖名政明永樂四年卜居新市五傳至文英創業成家教子訓孫文英生希潛為太學生希潛生性性生吾朴俱弟子員即齡之泰岳也姿貌魁梧性格莊重士大夫望之無不肅然起敬尤饒有果斷才嘗捫虱而談世務旁若無人人多以景略目之吾朴生崇古端介敬慎少不好弄長而治春秋與齡先君曾同筆硯齡童子時見其兀坐一室每有意會輒欣然忘食有五柳先生之風萬曆甲午以廩員拔入

新樂縣志卷之十六

十

太學丙午除官山東濟南府齊東縣知縣公至加意作人是歲江君騰蛟郭君廣聯舉於鄉廣隨舉進士公之教也至於賑窮民察冤獄禁豪猾保善良嘉績種種碑在父老之口廉隅自飭無以事人乃喟然嘆曰吾安能以五斗故日僕僕折腰為也遂賦歸里詩云我愛淵明潔欲歸便賦歸但願桑麻長不知生計微三旬推九食十年著一衣仰視雲中鳥高風托自飛既歸杜門却掃琴書自娛即燕閒儼若對賓諸子不冠不敢見口不臧否人物亦不見喜愠之容其謹密如此齡嘗與公坐當隆寒時不近火亦無寒

意盛暑亦不揮扇其有道至人手歲戊寅覺微疾進諸子謂之曰吾無以遺爾以清白二字弗墜家聲是在爾矣言訖而逝嗚呼公之生平讀書樂道不汲汲於富貴囊空宴如不戚戚於貧賤其迥出尋常者更僕未易數也年七十有五卒卜塋祖塋之側配李氏于歸於公時值公為諸生圖書之外家計蕭然李氏獨以紡織佐之上事舅姑下撫諸子艱苦備嘗尤勉公以大業每聞鷄聲輒警之讀書及隨任齊東又因以慈惠相之愛民如子內助之力居多舉丈夫子四若珽若瑗俱庠生若琦知縣若璨庠生公之官

常外出李氏教子以義方由此四人皆成立得年四十有八而卒於是合窆焉孫舉人光峻等凡九人光遐光猗光儀光儼光竑俱生員光儒光倫光寬俱業儒曾孫際頤等已十六餘人尚未艾也齡以至親知公最真故敢質言之復垂涕而為之傳曰籍於秦產於趙其發祥也遠學於趙用於齊其過化也神子孫振振佳氣葱葱其薪傳也將益光大於無窮

吏部文選司主事婿李昌齡撰

迪功郎席亭謝公傳

謝公名珍字席亭本縣人珍之先高祖諱澤官刑部員外

珍之祖諱禮官縣丞珍賦性梗介舉止不苟家貧讀書社學備極攻苦年十四入邑庠二十食餼廩試輒高等卒艱一第以明經授歷城縣縣丞在任奉職惟謹行所無事一日公出坐而假寐見一青衣童子遮道來迎云是閔子家人公覺而異之謂從者曰吾邑有閔子鎮有閔子泉吾為諸生時飲閔泉而甘之以清潔居官自勵今離家數千里而遙何以來見夢耶從者詢之土人云此間不數里有閔子廟及墓在焉公遂詣其地瞻拜睹丹楹傾圮青塚平蕪吁嗟久之乃曰先賢之有以教我也隨出俸金修葺一新

閱三載善使下以不善涉世遂還政與邑少尹二員同時謝事其一不勝淒阻公夷然自若也曰耕田教子吾素願耳林下三十餘年不預門外一事一日寢室默坐忽見一差者至無善狀公厲叱之其人伏俯叩首旋引去子輩及家人聞聲驚至杳無人咸駭異見珍怒氣尚未平也逾時就寢是夕又夢一使者至手持二簡來請開視之皆無字達旦以是夢語家人遂逝享年七十有五未嘗一日染疾感異者二月之朔蛻遊者其次日也子三人俱庠生長師佐次師玄季師枋玄之子詔為邑庠生詔之子華祝華衮

華翰皆讀書世業子弟十餘人皆補邑庠不預外事門無白丁華祝膺歲薦淹博敦睦時望推焉

鎮江府知府郝應第撰

我和閻公傳

閻公名羨字我和邑之在城社人先世有令德七傳而生民泰為邑弟子員產豐生子四皆子衿羨其季子也負性朴制行端謹與諸兄分產不斤斤較守口如瓶不出雌黃語嘗自銘云脩身有善方着意於敬恕治家無竒策得力在儉勤蓋其素志也娶王氏生子二長足與齠年入泮次

肇興出嗣仲兄鼎歲丁亥年方及艾忽遭一疾不起二子環泣請謀良久乃曰視我所言言之所行行之又復請乃厲聲曰爾惟讀書是吾志否則無以見我地下遂不復言其後足興果登庚子科順天鄉試肇興幼孤視其伯如父禮事兄如師通庠推孝友云易曰積善之家必有余慶不在其身在其子孫觀閻贈君之居心制行遺謀數語蓋樹德務滋者也其克昌厥後宜哉

鎮江府知府郝應第撰

史氏廣文孝廉二公合傳

張子正象有云德者福之基福者德之致蓋德福相因應若桴鼓又語云豐于才者或嗇于遇而嗇于先者或豐于後蓋後先相映炳若日星斷斷不誣也余觀於史氏而益信矣史氏本山右洪洞籍也明成祖朝諱彬者捧檄遷新市自是而族日大其間哲胤賢昆挺生疊出殆不可更僕大約皆厚於德者也傳至誠齋公而昌熾伊始公諱闕疑行居一天直寬仁兼多磊落總角入黌補廩貢每為人排難解紛片言而定且春風和氣與世鮮齟齬人以此稱為長者天啓四年領歲薦授江西樂安司訓率子衿端規範

非但經師真人師也會邑宰入覲紳士公保代庖惠政翔洽仁風披拂實難毛舉其巨者裁冗役革火耗勸非種弭萑苻乃心民社絕不類攝篆者迄今猶勒之峴山一片石繼陞昌黎掌教無異乎在樂安也及瓜期將近例得遷轉遂乞骸歸曰吾寧優游里社督耕訓子安事役役簿書為論者欽其綽有二疏之風焉張子所謂云德者福之基福者德之致是也公舉丈夫子凡六人冊簡編經綸縉皆卓然有時名之譽而經尤先發最著焉經字註我負奇資讀書目十行下三試冠軍以儒士預秋闈丁卯登鄉書一時

治麟經者皆侍之以師傳禮為人尚聲氣以古賢豪相期許非意中人不屑敬之故以倜儻不羈之才未免為流俗所忌公視之澹如也齋志以歿論者惜之長子元龍魁梧武健部選薊鎮守備癸未之難衆皆倖免獨以身殉焉論者忠之縉字鴻公丰度比之乃父誠齋洵稱克肖才華比之阿昆註我又加練達世務矣順治甲午特恩拔雋丁酉之役予從事棘闈擬以魁選第限於數姑畱有待及出闈覲面果偉人也以大作用拭目望之矣今筮仕粵西博白縣有神君之譽予從中州往返都門道經新市視其侄庠新樂縣志卷之十六

十五

生人龍館英引諸子弟皆稱偉器即語所謂豐于才者嗇于遇而嗇于先者豐于後者是也嘻史氏積德之慶徵於誠齋公有註我以科第發其祥鴻公出而仕宦前程遠大純嘏無疆矧子孫纍纍比于螽斯龍鳳虎豹將接踵而生于其族矣余忝世誼知之最深因稔知世系爾爾於是為廣文孝廉二公傳云

行人司行人孫期昌撰

李善人傳

李善人名蛟字樂業其先張姓晉洪洞人也始祖名敬祖

明永樂間遷新乃更姓李傳七世而生蛟同母兄弟四人蛟居行二賦厚重性友愛年雖少一如長者家貧身先勤苦以次完諸弟婚而已獨不娶好黃老言嘗與羽客梁崑山談道移日欲從之遊後梁入葛洪山去意甚失不快者久之年三十而始娶戎氏相家最賢業漸興與兄弟分產推羸讓豐雖析爨如同居時鄉隣有急輒賑貸不問其償否由是遠近嘖嘖稱善人而舉鄉耆子華先字近陽輕財好義意豁如也娶中山師大成女師氏專一貞靜一日謂曰余倘先子而逝若何氏驚曰何為出此言不意竟成語

識及生子燦方四月而遂卒當是時氏年二十有四矣堂上有垂白之舅姑室中有呱呱之幼子艱難萬狀矢志愈堅時歸寧母家多有以奪志言者氏拒之曰矢死無他也願勿再言後舅姑卒殯葬皆如禮孤九歲兵荒踵至氏貿樹力田躬親紡績教子讀書越七載而遊泮鄉先達舉賀稱其善有餘慶教媳三遷云善人享年八旬有四子婦守貞孫男光業其稱之也允宜世居城北崔家庄邑侯林公以公務出經崔家庄曰此庄無姓崔只有李氏多讀書後必有達者何不云李氏讀書庄今從之

誥贈承德郎張公傳

新市之東南地不及一舍有村名西里蓋德鄉也張姓者居半焉其先鳳陽人相傳隸軍籍從明太祖取真定路被創留此因成土著世系遠不可攷矣惟記諱然者生大吉生世登世登貌豐腴性寬仁治家以勤儉稱廣田厚蓄作富家翁矣然好禮喜施暹暹多麥舟之誼指困之風以是鄉人高其行聲名不脛而走皆不忍以諱呼之第曰張善人年近四旬尚未懸弧主內政胡氏勸之曰妾德涼福薄弗克生育君忍令張氏先塋無麥飯乎盍置側室焉公忿

然作色曰嗣之有無遲蚤天也况一夫婦庶人之職側室事無庸再喙氏見公不允每伺其意如匪石之不可轉無何背公托族姬聘良女子靳氏出于隣封巨族也於是已室居之故他避乘公醉給之入靳氏遂得御公醒復諾氏氏祇溫解引咎而已自此益垂膠木之恩靳氏亦安小星之分爰誕雙珠曰翼星曰文星氏撫如已出未及成立公已捐館兩氏以巾幗持門戶無異公在日延塾師課二子不惜金粟之費更以顯揚相勗也翼星文星念茲力學妙齡同采芹焉翼星字天宿為邑中聞秀才不幸上樓

成速文星字煥辰才名山斗雅重一時順治戊子科錄第
一特恩拔雋試銓曹應選別駕值兩氏尚康健謂之曰仲
子果然不惟余二人稍慰手据口荼之瘁爾父亦含笑九
原矣未幾相繼壽終煥辰每以不及祿養為憾除判嘉禾
多異績攝篆屬邑以不阿受誣賴當路者力為申救具疏
題覆尋改判晉陵調京口造戰艦放芻豆俱有能譽繼督
糧有功循例遷轉今陞陝西慶陽郡丞矣煥辰前在嘉禾
已遇 世廟覃恩封承德郎乃公以子貴而贈亦如之胡
氏贈安人靳氏雖庶以煥辰移封與有恩榮焉至于翼星
室王氏完節殉夫寔得諸孀姑之遺風也姪心糾業儒子
性純庠生德純幼亦併錄及以見張公積善之報胡靳而
氏坤德之化云 都察院掌院事栢人魏裔介撰

鳳烈文星字煥辰才名山斗雅重一時順治戊子科錄第

賢良

陶際豫端方正直恭儉有禮 欽賜八品良官卒年九十
一歲

義士

李廷秀齊同村耆民好善樂施於隨嫁堂弟召令歸宗給
產授室又出穀子百餘石散給鄉中之饑苦者

李進玉疎財好義值堂兄病故堂嫂 以家貧力不能支
將他適玉為之衣食以完其節又出棉花四千餘斤散
於鄉中之寒苦者

新樂縣志卷十六

十九

呂 發忼慨好義於村庄捐修義倉三間又捕修本村北
小清河石橋一座屢蒙當道賜匾褒嘉

武秀樸實守分樂善好施兩建石橋一在林河義合庄之
西一在曹河義合庄之東南

李伯一夫婦長齋信佛天性善良賑貧恤孤之事未可枚
舉於村西林河修石橋一座足見疎財仗義之大端

馬攀龍儒醫素行端方孝養孀母友愛幼弟兼施藥濟人
邑侯張公錄名彰善坊

鄉耆

薛騰兩候選州同孝友克敦正直端方仗義好施鄉人稱之
謝元士邑庠生敦孝友好施予舉鄉飲介賓三次當道賜

匾褒嘉

王行敏邑庠生孝友勤儉舉鄉飲介賓當道賜匾褒嘉

張燦邑庠生治家勤儉賦性耿直舉鄉飲介賓

王國垣立身正直廣濟貧人舉鄉耆當道賜匾褒嘉

牛克述工于痘疹全活者衆不計財利舉鄉耆當道賜匾

褒嘉

孫起成立志渾厚周濟貧乏舉鄉耆當道賜匾褒嘉

新樂縣志卷之十六

二十

靳文整賦性純篤尚義好施舉鄉耆當道賜匾褒嘉

劉長重然諾好施予重修伏羲臺舉鄉耆當道賜匾褒

嘉

祥瑞

雍正九年四月初一日齊同村郭有輝之妻劉氏一產

三男現俱存活荷承

皇恩給廩供養

節婦

婦道無成從一而終凡年少而以節稱者皆閱歷艱苦例得備載故其事克上上聞已與褒典者固為採錄其有未經呈請而潛德幽光或艱於事勢或有待而闡亦查考明白詳載無缺

王氏監生王道成之女年十七適夫李昌齡為繼室夫疾祈神願以身代越六年夫歿守貞自矢理家務勤儉有禮教子孫嚴而有恩遺產賴以不墜夫後崇祀鄉賢一切俱出其勸勸時論賢之

杜氏生員李濟美之妻真定縣生員杜廷棟之女也賦性端靜言笑不苟事姑孝知大體越七年夫卒撫孤守貞柏舟無媿以年未及父尚待題旌

新樂縣志卷十六

三

史氏邑民陶恂之妻艱苦守節天啓五年有司上其事建坊旌表其門

張氏儒童郭顯宗之妻歲貢士郭維城之母也夫歿時年二十四溫恭淑慎黽勉勤勞寒水苦蘩以報夫殘兩孤燈而課子雍正五年詔建坊旌表其門

田氏儒童陶光深之妻夫歿時年二十六歲遺孤二長際爵次際壽氏志堅守節紡織維勤雍正七年建坊旌表王氏邑民路逢俊之妻夫歿時年二十歲守節五十二年詔建坊旌表其門

路氏邑民張心哲之妻夫歿時年二十歲守節五十六年
詔建坊旌表其門

王氏韓見龍之妻清苦守節雍正八年有司上其事建坊
旌表

李氏邑民曲貴之妻夫歿時年二十八歲柏舟自矢有司
上其事建坊旌表

蘓氏邑民高元福之妻夫歿時年二十三歲撫孤高峻補
增生乾隆四年建坊旌表

李氏廩生田隆之妻清操峻節可無遺憾乾隆十年有司

新樂縣志卷十六

三

上其事旌表節孝

任氏儒童賈光閻之妻堅貞守節撫孤成立長維城恩貢
次維城由歲貢任通州訓導乾隆十年旌表節孝

解氏儒童吳順之妻年十七歲值夫故痛哭氣絕者數四
既以遺腹矢作未亡人逮生男名從龍康熙六十一年
歲貢孫廷正登雍正癸卯科賢書凡皆氏清苦艱貞延
一綫而光大門閭者也乾隆二年始援例公請建坊旌
表其門

王氏生員張翼星之妻夫歿時年二十三歲撫孤心純入

泮舊志承德郎張公傳內亦叙及王氏完節事後邑令上其事旌表其門 吳氏張翼星之側室也與王氏同其遇而事有倍難者竟能堅忍全節啓迪後人後王氏廿餘年而卒屢蒙當道旌獎一曰娥英媿節一曰歲寒雙節蓋不歿其實云

安氏儒童閔光峻之妻夫歿時年二十五歲撫孤玉鑑入泮雍正三年邑令上其事建坊旌表

安氏閔克峻之妻夫歿時年二十二歲孝事翁姑撫孤成名乾隆十四年邑令上其事建坊旌表

新樂縣志卷十六

三三

駱氏邑民牛鳳之妻夫歿時年二十六歲堅守節乾隆十九年建坊旌表其門

張氏儒童朱士俊之妻秉姿淑慎持已端方夫亡竭力奉養翁姑伊舅或逼之嫁氏毀形明志得以完節撫孤朱縉承夫後邑令上其事建坊旌表

王氏邑民周文之妻二十七歲守節雍正五年建坊旌表享年九十二歲

郝氏廩生史汝選之妻艱苦守節乾隆二年建坊旌表其門

楊氏儒童陶際觀之妻夫歿時年二十一歲家徒壁立冰
心自矢撫侄聯祖承夫嗣乾隆五年建坊旌表

侯氏儒童劉顯玉之妻夫歿時年二十四歲乾隆十四年
建坊旌表

張氏年十五適王法儒為妻越十年夫故氏茹荼飲冰節
操凜然乾隆十三年建坊旌表

安氏邑民孫第先之妻年二十四值夫故家貧翁老邁生
孩未及週氏艱苦守節竭力奉親撫孤成立

張氏褚邱村李魁名之妻賦性貞潔持身嚴肅崇禎十一

新樂縣志卷十六

五

年十一月十五日偶值兵變翁姑與夫均被害氏二十
二歲竭力收葬三尸奮欲相從地下念有數月遺腹以
未亡人自矢明年四月廿七果生男振業氏艱苦備嘗
撫孤成名補弟子員

吳氏賈勳之妻夫歿時年十九生子甫歲餘遭伯凌虐強
之嫁氏指天矢日之死靡他厥後伯心少悔氏苦節乃
克完

王氏張周之妻夫歿時年二十二歲生子甫兩月氏集蓼
茹荼毅然撫孤躬親紡紝艱苦備嘗及子成立事母至

孝人以為苦節之報

王氏赫有德之妻夫歿時年二十六孀居五十餘年及身
曾見元孫壽八十一無疾而終里人高其節公贈一匾
云光炳日月

張氏賈有章之妻夫歿時年二十六歲家貧遺孤十歲姑
又老失明氏操持不怠

劉氏習進忠之妻夫歿時年二十一歲遺孤甫四歲氏操
守清苦撫孤成立

張氏薛時孝之妻夫歿時年二十七歲冰霜之操終始不

新樂縣志卷十六

三

怠

田氏班一通之妻夫歿時年二十七歲撫育兩孤備歷艱
辛及長為之授室相繼而亡兩媳亦改適遺一孫年三
歲氏躬親撫養幸而成立疾風勁草人咸以為不可及
韓氏薛永明之妻賦性嚴毅雖所尊不敢以非禮犯年二
十九而夫亡訓誨家人懃懃懇懇嚴氣正性之概子若
孫猶能言之

郭氏張永康之妻夫歿時年二十四歲撫二孤勤紡績操
守堅貞永終不渝

李氏儒童郭禎之妻二十六歲守節善事寡姑教子成名
待旌

崔氏趙式我之妻夫歿時年二十歲撫孤趙浩成立待旌

李氏齊同村李進良之妻夫歿時年二十一歲守節清苦
撫孤成立

王氏李進賢之妻二十六歲守節撫孤名綱名儒成立待旌
閻氏儒童李澤之妻夫歿時年十八歲撫血姪毓珍繼夫後
待旌

邱氏儒童秦偉之妻夫歿時年十七歲撫堂姪皂兒繼夫

新樂縣志卷十六

三

後待旌

王氏劉進孝之妻二十七歲守節撫孤生云成立

楊氏趙維義之妻二十七歲守節撫孤大有成立

楊氏劉烜之妻二十六歲守節撫孤心紹成立

王氏陳喜夏之妻二十三歲守節撫孤文德成立

李氏陶行祖之妻夫歿時年二十六歲現在請旌

張氏生員張紹祖之女儒童謝楚之妻夫歿時年二十二歲

撫孤光煒成立補弟子員現在請旌

王氏閻芝之妻年二十歲守節待旌

曾氏強有功之妻夫歿時年二十三撫孤復剛成立補弟
子員

馬氏儒童王贊揚之妻夫歿時年方二十二歲遺孤亦夭
有勸之嫁者輒流涕不自勝矢死靡他事孀姑以孝聞
撫血姪如瀹承夫後

孟氏喬文煥之繼室也夫歿時年二十四能以令節終

秋氏張全之側室也夫歿時年二十六現年八十有五

陳氏唐鳴福之妻夫歿時年二十五歲艱難困苦矢志堅

貞上奉七旬老姑竭力盡制下撫四歲遺孤卓爾有成

新樂縣志卷十六

二十七

王氏唐子雲之妻夫歿時年二十五家徒壁立子女俱無撫

義子承宗為夫後操持罔怠

徐氏儒童張宗堯之妻賦性幽貞持己端方夫歿時年二

十六上事翁姑下撫遺孤成立

李氏王進福之妻二十四歲守節待旌

鄭氏楊英之妻二十二歲守節請旌

齊氏默功遠之妻二十二歲守節撫親姪思正承夫後

胡氏默勤遠之妻十九歲守節撫姪默針成立待旌

安氏馬興隆之妻夫歿時年二十三事翁姑以孝聞撫堂

姪景公承夫後

李氏儒童史光漢之妻艱苦守節撫孤史覲成立

陶氏拔貢生謝元輔之繼室也享年九十六歲蒙

恩賜絹帛三次

劉氏毛亨之妻夫歿時年二十六歲守節三十八年待旌

田氏儒童蕭際復之妻夫歿時年二十五歲守節六十年

待旌

李氏李秉仁之妻夫歿時年二十一歲乾隆二十二年 詔

建坊旌表

新樂縣志卷十六

天

陳氏安琨之妻夫歿時年二十歲守節三十八年待旌

孫氏儒童劉林之妻夫歿時年十九歲守節五十年孝順

翁姑教子成名乾隆六年 詔建坊旌表

李氏邑民安強之妻夫歿時年十八歲守節三十年待旌

李氏邑民鮑名府之妻夫歿時年二十五歲立志守節之

死靡他 詔旌表其門

郭氏邑民孫麟鼎之妻夫歿時年二十八歲守節三十年

待旌

張氏李春枝之妻康熙四十六年氏年二十五歲夫故至

乾隆五年故守節三十四年待旌

陳氏儒童王治岐之妻夫歿時年二十七歲家道貧寒矢志靡他守節四十四年乾隆十四年詔建坊旌表其門

張氏邑民陳保之妻夫歿時年二十五歲孝事翁姑撫孤幼子守節四十五年乾隆十四年詔建坊旌表其門

張氏廩生李純儉之妻夫歿時年二十五歲守節三十六年待旌

劉氏儒童劉照吉之妻夫歿時年二十歲守節三十七年

新樂縣志卷十六

二九

待旌

鄭氏儒童陳列恪之妻夫歿時年十八歲守節三十五年待旌

列婦趙氏邑民杜有太之妻年三十二殉烈而卒知縣麻廷璫上其事詔建坊旌表其門另有記

趙氏節烈記

節烈非婦女所樂居也不幸而以節烈見則一時嚴毅之氣與生平正大之情自足以歷世而不磨蓋其寧捐生而取義良有鬚眉之所難者錫以褒嘉固為慰烈婦之魂詳

為題請亦司牧者所有事也邑同常店鄉民杜有太之妻
趙氏係藁城縣牛家庄趙閔之女志矢從一居貧自甘無
何以拾庄稼之故薄暮還家適有同村白五兒者旁睇無
人逞乃私心嘖起淫念強欲逐奸氏以峻拒故卒殞命於
白五兒之手而白五兒亦復畏罪自縊是為乾隆二十年
八月日也予撫涖茲土處分兩命外竊惟厭浥行而多露
是畏猶防守於未然也若夫放檢踰閑之輩採蘭贈芍率
相期於蔓草之間問柳尋花明相逐於狹斜之路自謂目
逆送而適我願邂逅遇而與偕滅傷風敗俗弗之媿冒刑

就戮有弗恤抑獨何心今氏以藐茲微軀當煢煢四顧之
際嬾以甘言弗從怵以利刃弗從卒之就死弗顧斯其嚴
毅之氣與正大之情為何如哉使得激濁揚清垂為炯戒
則一舉而大節以彰風化可維也於予心不有厚幸歟爰
是申詳

上憲用達

天聽蒙

恩下逮式昭題獎今而懲勸之分明而樂得為邑人之訓
也夫風化之隆賴男女之正貞潔是慕閨閣之懿才良是

效男子之守趙氏以血肉之軀寧死不辱於今勒名彤管
屹然礎柱用垂不朽彼沒而與草木同腐者相視為何如
則可知守正而死死有榮施况居平而未必致死者因何
而不貞潔是慕乎白五兒以縱欲之故未遂其欲適以彰
趙氏之賢而身死荒郊未正典刑猶有餘辜使其有知亦何
樂而有此不肖之行則可知恣意而徒蹈刑辟何若守禮
而全身遠害因何而甘蹈無良之輒乎予於此不禁徃復
低徊誠以舉而有快於心者大節以彰而風化可維也